



Amra Delić

Mr sc. med., PhD Candidate

Njemačka

Specijalistica neuropsihijatrije, psihoterapeutkinja i istraživačica. Medicinski fakultet i poslijediplomski studij završila je na Medicinskom fakultetu Univerziteta u Tuzli, gdje je i magistrirala. Uposlenica je Klinike za psihijatriju i psihoterapiju Univerzitetsko-medicinskog centra Greifswald i gostujuća istraživačica na Odjelu za medicinsku psihologiju i medicinsku sociologiju Medicinskog fakulteta Univerzitetske klinike u Lajpcigu (Njemačka), gdje u okviru međunarodne inovativne obrazovne mreže Evropske Unije Marie Sklodoska Curie aktualno završava doktorat u oblasti psihotraumatologije. Fokus njenog istraživačkog interesovanja je seksualno nasilje u konfliktu, mentalno zdravlje i ljudska prava.

Bila je na studijskim putovanjima u Sjedinjenim Američkim Drzavama (Međunarodni centar za psihosocijalnu traumu Medicinskog fakulteta Univerziteta Missouri-Columbia i Harvard Master Class Trauma Program), Norveškoj (Odsjek psihologija Fakulteta za društvene nauke Univerziteta u Oslu i Univerziteta Tromso), Austriji (Graz), Holandiji (Den Boch), Engleskoj (Birmingham), Poljskoj (Varšava, Katowice) i Izraelu (Tel Aviv i Jerusalem), te gostujući predavač na Međunarodnom psihoanalitičkom Univerzitetu u Berlinu (Njemačka) i Odsjeku psihologije Filozofskog fakulteta Univerziteta u Beogradu (Srbija). Trening trenera za prevenciju nasilja Svjetske zdravstvene organizacije završila je 2009. godine u Salzburgu (Austrija), a Ljetnji Univerzitet iz javnog mentalnog zdravlja, zdravstvene ekonomike i menadžmenta pohađala je 2015. godine na Tizino Univerzitetu u Luganu (Švicarska).

Kao aktivna članica psihijatrijske zajednice Bosne i Hercegovine, bila je sekretar Udruženja psihijatara Tuzlanskog kantona, potom jedan od osnivača i prva predsjednica Udruženja specijalizanata i mladih psihijatara/neuropsihijatara, čija je predstavnica bila pri Evropskoj Federaciji specijalizanata psihijatrije (2008-2011), a bila je i predstavnica mladih psihijatara ispred Udruženja psihijatara u Bosni i Hercegovini pri Vijeću za mlade psihijatre Svjetske psihijatrijske asocijacije (Buenos Aires - Argentina, 2011).

Aktivno je učestvovala na velikom broju domaćih, regionalnih, te međunarodnih i svjetskih stručnih i naučnih skupova sa preko 50 naučnih i stručnih radova. Objavila je, kao autorica ili koautorica, 10 naučnih i stručnih radova u međunarodnim i domaćim časopisima, 3 poglavlja u domaćim i 3 poglavlja u međunarodnim knjigama, kao i 7 recenziranih priručnika.